

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Vaticinia,|| Siue|| Prophetiæ|| Abbatis|| Ioachimi,|| &||  
Anselmi Episcopi|| Marsicani,||**

**Joachim <von Fiore>**

**Venetiis, 1589**

In Vaticinia loachimi, et Anselmi, paschalini regiselmi [...]

[urn:nbn:de:bsz:31-248994](#)



IN VATICINIA  
IOACHIMI, ET ANSELMI,  
PASCHALINI REGISELMI  
Adnotationes, & Animaduersiones.



Pag. I. *Vaticinia Abbatis Ioachimi, &c. & Anselmi, &c.*

**M**ANUSCRIPTORVM exemplarium ope frētus id semper mihi visum hæc solius Ioachimi esse Vaticinia, & non continuata serie expleri, vt quidam volunt, nos id aliquibus in Vaticinijs nunc demonstrabimus. Sed, quod instat, agamus. Quidam liber excerptorum manu Dominici Macroenii, qui anno 1454. in viuis erat, ea Rabano tribuit. Græci recentiores sub nomine Leonis sapientis Imperatoris quondam Constantinopolitani circumferunt, pulchra efficta fabella, etiamnum extare Constantinopoli dicentes columnam quandam, in qua omnia incisa habeantur, verū imaginibus non ad eundem modum penitus se habentibus, sed paulo aliter, & referentibus quoddam furuрос successus Iambicis carminibus (si dijs placet) expressos. Percontatus sum peritissimos viros, & clarissimos, qui Constantinopoli diu fuere, ipsi hæc non modò risere, sed etiam assertuere nihil extare

IN VATICINIA.

extare nec in Hippodromo, nec alibi, et si columna quædam ærea tribus serpentibus muruò connexis fabrefacta, & in superiori parte capita exerentibus cernatur. Cuius & Petrus Gyllius Gallus diligentissimus scriptor meminavit in sua Constantinopoleos Topographia, illam his verbis describens.lib.2.cap.13.

Extat etiam in eodem ordine altera colūna ærea, striata, non quidem canaliculis rugas matronalium stolarum referentibus; sed spiris trium serpentum, inter se circumplacatarum, non sursum versus directis, sed tortis in modum tororum. Quos valde eminentes exprimunt magni funes, & desinentibus in caput triceps trium serpentum, quarum capita in triquetram formam disposita longè eminent, supra columnæ torosum scapum. Quamobrem fuerit hæc columna posita, Constantinopolitani multa fingunt, sed nungatoria omnia, ignorantes maiorum suorum Historias. Inter quos Zosimus scribit Constantimum magnum in Hippodromo statuisse Apollinis Delphici tripodem in seipso habentem ipsius Apollinis statuam. Sozomenus Salaminius adiungit, Constantini non modò tripodes Delphicos in Hippodromo posuisse, sed etiam celebratissimum tripodem, quem Pausanias Lacedemonius, atque Vrbes Græcæ post bellum Medicum Apollini Delphico consecrarent. Eusebius clarius tradit Cōstantinum in quadam Constantinopolis parte Sminthium Apollinem statuisse, in Hippodromo autem constituisse Pythium tripodem, circa quem Serpens in spiras volueretur. Ex quibus verisimile videtur tripodem illum statutum fuisse supra hanc columnam æream tricipitem, ut erat apud Delphos ex Herodo, qui tradit ex decimis manubiarum Persicarum tripodem aureum factum in Delphis collocatum fuisse supra serpentem tricipitem æream, atque idem afferit Persis ad Plateas victis tripodem aureum ibi repertum redditum fuisse Deo Delphico, insistentem supra triplicem ex ære

### AD NOTATIONES

colubrum proximè aram. Similiter errant, qui putant hanc columnam nunc æream, olim inauratam, spoliatam auro fuisse à Turcis: cum multis sæculis ante Turcos aurum detractum fuerit, ut liquet ex Pausania. Commune (inquit) Græcorum de Plateensi prelio donum, aureus tripos sustentatus æreo dracone, æque Pausanias ætate mansit ex eo donatione integrum, auri quod fuit, Duces Phocensium amouerunt. Hucusque Gyllius. Nos suum vnicuique iudicium relinquemus, pro cõstanti oia Ioachimi esse dicetes, & vana somniare qui aliter cœscat, siue Græci, siue Latini homines.

### VATICINIVM I.

**E**X satis vetusto exemplari manuscripto huiusmodi imaginem habuimus, quæ et si differat ab impressione Germanica, nos id ratione vetustatis mutauimus: cum præfertim illud manuscriptum non tantum in imaginibus: verum etiam in Vaticinijs emendatissimum fuerit.

### VATICINIVM IIII.

**R**Vbum hic expressissimus ex imagine aurea tessellata in D. Marci templo hic Venetijs, quod nobis ex libello Illustrissimus Vir ostendit: causas nunc reticemus, quas in medium afferre possemus, cur non amplius, & illa, & complures aliae imagines non videantur, quæ non tantum Ioachimi cœlestem, diuinâq; prædicendi uim testatam faciebant: sed etiam plurimarū rerum futurarū casus clarissimè indicabant. Alias dabitur fortasse de his differendi locus.

### VATICINIVM VI.

**I**N his vaticinijs ordo à quarto usque ad septimum est admodum perturbatus in omnibus exemplaribus,

nos

### IN VATICINIA.

nos manuscripta potius, quam impressa secuti sumus. Verumridendus admodum, qui gallos, & anseres somniat, nam exemplar ab hinc trecentis ferè annis affabre depictum huius veritatem demonstrauit, & detexit. Cui etiam tessellatae imagines aureæ ædis respondent, maiori fide dignæ, quam cuiusque testimonium, descriptio, picturaque.

### VATICINIVM VII.

**S**Caliger dum in hæreticum hominem inuehitur, iure reprehendit, tamquam pseudomagum. Draco. n. hic Ecclesię persecutorem aliquem significat; columba vero oliuæ ramum gestans, quid aliud, quam Ecclesiam pace diuinitus fruentem, & cuiusque minas, & pérsecutiones contemnentem, minimeque reformatum, significare dixerim. Benedictum Undecimum hac imagine expressum ait ipse Scaliger, hominem miræ sanctitatis. Evidem nulli, nisi sanctitate præstanti viro conueniebat Draconem, hoc est, pérsecutiones contemnere, & Ecclesiæ pacem custodire.

### VATICINIVM IX.

**E**st in aliquibus aquila super claves, est columba, nos illud nostrum secuti sumus, qui coruum super claves residentem pingit, quasi innuere velit aliquem crocando Ecclesiam, & eius voces pessum dare voluisse, quod tamen Agno immaculato defendente, licet atrociter, & impie transfixo, haud successit. Sciant omnes docti, & harum rerum curiosi inuestigatores in his vaticinijs ea, quæ homines verè, & in propria forma referunt, Pontifices referre, vel quicquid magis ad hominem accedit: cætera, quæ ab eo recedunt, ad alia extra ipsos Pontifices reduci debere. Hinc perperam huiusmodi consideratio accepta non

AD NOTATIONES

non tantum hæreticum , & pseudomagum à Scaligero reprehensum in errores traxit : sed plures se inexticabilibus labyrinthis implicauere , qui hæc ad inanis inuentiones , & futilis sui capitï cogitationes applicauere.

VATICINIVM XV.

**I**N præfatione diximus aliquos hæc varjcinia transacta , & præterita fuisse magnis , & probabilibus coniecturis asserere , alias rotæ similia circumvolui pertinaciter defendere ; nobis autem persuasum est , non sibi cohætere hæc ita ut coniunctè ferantur , nec ita circumvolui , vt cum ad postrem dœuentum fuerit , ad primū regrediamur : sed per interualla temporum hæc suos euentus habere , & tantum maximis rerum , & successum demonstrationibus , & effectibus expleri , & agitari . Nos etiæ mathematicas demonstrationes huiusc sententiæ nō simus in medium allaturi : id tamen compertum nobis est , huiusmodi artem vaticinandi Abbatem in oriente didicisse , & numeris instructum , & fretum ea scrutatus est , quæ postea obscurè suis dictis , figurisque inuoluit . Potuissemus etiam in superioribus vaticinijs aliqua recensere ad literas numerales , & ad numerorum figuras attinentia ; verum hic locus nobis aptior visus , in quo aliquod specimen huiusc opinionis præberemus ; nec miretur quispiam , si breuiores erimus , nec omnia dixerimus , quæ de hac arte disseri possent . Sciant omnes , nobis satis esse nunc tantum attingere , vberius ilta tractaturi , si primos hos fructus hominū gustibus gratos fuisse intelligemus . Est orientalis natio ( vt rem tandem aggrediar ) admodum vaticinijs dedita , huic admodum familiaris suis peregrinationibus Ioachimus Abbas fuit , præsertim Græcis , & ob linguam , quam callebat , cum in magna Græcia natus esset , in qua hodie etiā Græca verba resonare audimus . Est igitur admodum domesticum , & tritum inter

eos

### IN VATICINIA.

eos, ex principio, & fine suarum cogitationum sibi viam ad cognoscēdos futuros exitus Rythmomātia p̄struere. Hāc securus est Abbas ipse, dum quindecim imagines per quindecim numerorum curriculum protraxit. Itaq; (vt est in confessio apud omnes) cum anno 1277. incepisset per interstitia, interualla interrupta, & non continuata serie quindecies multiplici aggrēsione numeri illarum significatiōes futuras v̄dit, vaticinatusque produxit, sicque ex numeris, à primo impari, v̄sque ad ultimum imparem, v̄nitate subtrcta, in se duc̄tis, numerum ducentorum v̄gintiquinque annorum conclusit, in quibus quot, quantaque superuentura essent Dei Ecclesiae v̄sque ad finem Pontificatus Alexandri VI. pr̄dixit. Altiora speculātes possent plura in medium afferre; pr̄sertim cum hāc satis conueniant cum Hebræorum Secundeis, siue Intelligentijs regentibus orbem, qnarum Trithemius proprio de ijs libro conscripto, meminit, interim silentio præteriens quidnam occultiores, & secretiores Hebræorū sapientes suis Ziruphim abscondant. Certè hoc nostro indicio veritatem vaticinij huius quisque peritus, & acumine pollens ex historia eruet, & facilius præcedentia intelliget, ad Pseudomagi in quem insurgit Scaliger, stultitiam, & hæresim coarguendā, & ad seriem subsequentium clarius constituendam, & facilius enodandam.

### VATICINIUM XVI.

C Vidam Anselmo Episcopo adscribuntur sequentia, nos Ioachimo, alij Rabano cuidam accepta ferunt, suum esto cuiusque iudicium per me fartum rectum, modò superioribus connectantur. Quorum serie eundem annorum numerum claudi censemus, quo superiora circumscripta sunt; atque ita ijsdem rationibus duc̄tis ad 1728. duci; cuius numeri in fine harum adnotationum signifi-

### AD NOTATIONES

significationem partim explicabimus , dum Turcici , seu Arabici vaticinij euentum de Ottomanico Imperio peruestigabimus . Curiosi verò hoc ad Iulium II. referant : neque enim Pius III. hīc annexendus , qui tantummodo paucos dies in Pontificatu superfuit , admoneanturque iterum (quod & in præfatione dictum est) nec Pontifices breuioris temporis , nec Pontificatus successibus magnorum euentuum carentes (quicquid garriant cæteri ) his vaticinijs comprehendendi . Hoc quoque admonitos volo , Iulium II. à duobus Cardinalibus Venetis Dominico Grimano , & Marco Cornelio , tunc conclavi præsidentibus , & maiorem votorum partem à se habētibus renunciatum fuisse .

### VATICINIVM XVII.

**I**ntra plura exemplaria manuscripta vetustissimus nobis allatus est libellus, in quo decem tantum habentur delineatae imagines , à quibusque alijs , & impressis , & manuscriptis plurimum differentes & superscriptionibus , & delineatione . Verūm quod dignum consideratione visum est , sunt in eo litteræ quadam capitales solæ , & hæc est prima imago huius Vaticinij , quæ ita pingitur . Adest Pōtīfex in medio , manibus ante pectus , altera ab altera aliquātum distantibus , & sub pallio tectis , dextera paulo altius sublata , à dextera parte Rex assistit genibus flexis , utraque manu vexillum nouem lilijs , quatuor in superiori parte , quinque in inferiori decoratum retinens , à læua serpens squamis tectus , & sursum versus aperto ore erectus à coruo totis viribus se uolando deiçiente impugnatur , & infra ipsum Pontificis caput hæc literæ sunt S. M. T. supra hæc verba . Coronabitur in V . Et in fine inscriptionis , seu vaticinij . Morietur in P . Viderint curiosi , quid sibi velint . Altero volumine exhibebimus hęc vaticinia decem cū imaginibus , & nostram de ijs sentētiā proferemus , quam cunctis grātam

### I N V A T I C I N I A .

tam futuram, & credimus, & speramus. Etenim si non eleganter, saltem diligenter ibi multa reperientur à clarissimis hominibus numeris, & numeralibus literis conclusa, & à paucissimis intellecta, atque nunc primum à nobis tantum (quod sciamus) in lucem prolatā.

### V A T I C I N I V M X I X .

**N**escio, quodnam verutissimum exemplarū Paulus Scaliger uiderit, & quid ille Pseudomagus cōfinxerit, & ad sacrosanctam Romanā Ecclesiā Pontificiam sedem profanandam hæreticē cōmentatus fuerit: hoc vnum scio meum illud manuscriptum ab hinc trecentis annis, (vt in eo adnotatum scriptoris manu videre licet) exscriptū, omnibus in locis, in quib[us] Monachi habitu inducitur imago quæpiam in vulgatis, habere Pontifices, & nos (quāquā aliter statuissemus) ex eo hanc imaginem excerptim[us]; præterquam quod, Regis caput, quod in eo est non corona, sed pileo tectum, & vt possimus hæretici falsitatem cognoscere, & illius versutissima, diabolicaque commenta confutare, falcis significationem addemus, quæ nil aliud significat, quām nouam aliquam fabricam ad Ecclesiæ dissipationem adornatam. Audiant veri Ecclesiæ filij, & videant, an id septimo Clementi euenerit, & quidnam Rex, & manus incidens falce portendat.

### V A T I C I N I V M X X I .

**V**Ariatio imaginis huius tanta est in omnibus libris, quos vidimus, vt præter illum nostrū, omnes errare certo certius opinemur. Est in nostro Pontifex manibus tenens librum pectori admotum, & hinc inde capita sunt pilis tecta. Atque vt aliquid curiosi harum rerum scrutatores nanciscantur, quo ingenium exercere posint, & men-

K  
tis

AD NOTATIONES

tis acumen expolire, inscriptionem subiiciemus, quæ ita in eo legitur.

Cultori vineæ de infructuosa arbore dicitur, Succide eā, vt quid terram occupat? qui in illo loco potes ponere, quæ habet fructum. Hæc autem non habet occasionem operationis, & impedimentum præstat cæteris, quia quæcumque sub ipsa sunt, exemplo prauitatis illius, quasi umbra peruersitatis eius premuntur, & ideo peccatores super alios peccatores dominari constituit. Tu autem morieris vt canis in R. Et supra Pontificis caput, hæc verba ponuntur. Coronabitur in R, Infra caput vero hæc literæ capitales sunt. B.B.A.

Hac exprimi Martinum V. Scaliger ait. Rotæ fabricatores quidam Gregorium XIII.ijq; ex eorum numero sunt, qui sponsonibus operâ dâtes, lucrum inde expetunt, & falaci industria conquirunt, nos Iulium Tertium hoc ænigmate descriptum à Propheta, siue Ioachimus, siue Anselmus, aut alijs quispiam fuerit, constanter assertimus. Rationes non adducemus, ne longiores, quâm harum annotationum argumentum, & communis usus requirit, simus.

VATICINIVM XXIIII.

**N**Ullum vaticinium hoc vno clarius in toto libro habetur, si Beatissimi Pij V. sanctissimæ, & felicissimæ recordationis, vitam, mores, actiones inspexerimus. Quis hoc Pontifice sanctior, quis prudentior, quis voluptatum minus appetentior. Quâm gratus Deo fuerit, testatur reuelatio de victoria aduersus Turcas obtenta, ab eo orante habita, & hoc illud propheticum est, tu pro victoria expandisti manus. Illam quidem paulo ante vitæ finem consecutus, cum ille sexto circiter post mense in cœlum translatus sit, & ita bene, & gloriösè brauium acceperit in fine

## I N VATICINIA.

fine sceptri, hoc est, paulo ante quam ex hac vita decederet, & ad æternam, & immortalem euolaret. Volumus dare inscriptionem, quæ in illo nostro manuscripto est: ad hunc itaque modum in eo verba sunt,

Vendentium sacra non cessabunt, & confringetur idolum Danielis, & cœnobia ad locū pristinum redibunt, & ordinis mendicantium, & alie sectæ plures annihilabuntur, bestia occidentalis, & Leo Orientalis vniuersum mundum subiugabunt, & pax erit in toto orbe terrarum. Tu autem vades in inferiora terræ. Litteræ, quæ infra caput solent esse in his imaginibus, hic litura deletæ sunt, & nisi vnicum C. visui offertur, & superscriptio. Coronabitur in L.

Qui lucro sponzionibus inuigilant, secundo post B. & S. Xistum V. futuro Pontifici hoc vaticinium dant, quid nos sentiamus, in sequenti dicemus. Hoc vnum innuentes, sacrificia vendentium, ad haereticos referri, idolum, ad Turcas, cœnobia, ad decretum Pij V. de 4. religionibus, de bestia occidentali, & Leone orientali secretiora, hoc tempore à nobis non sine causa, in custodia habenda sunt.

## VATICINIVM XXV.

**H**oc vaticinium in nostro manuscripto exemplari cù superiori ita coniunctum est, vt ad dexteram sit vultus inter duo vexilla, quorum vnum anteriori dextero pede retinet, & ad leuam hæc vrbs cernitur, manibus non supra, sed infra positis, ita vt dimidium vaticinij, usque ad verbum annihilabuntur, ad Pontificem spectet, cuius in superiori meminimus. Reliquum vero ad Vrbem hanc. Lieet quædam verba supra eam litura deleta sint, alicuius pueri forte manu. Essent ea animaduertenda, quæ ad literas inclusas in eo capitales ficerent; attamen tanta est illarum in omnibus libris impressis, & manuscriptis corruptio, ut nihil diuinare queamus. Nomina quoque non sunt eadem

K 2 in om-

### AD NOTATIONES

in omnibus, & vltimæ illæ literæ, quæ Scaligerio sunt Ca.  
Bo. in quibusdam exemplaribus. Iō. Ab. Ia. Ba. Iō. Bo. Iō. Ob.  
Adhibeant solerter formales numeros, & se ex huiusmodi  
labyrintho extricent. Quid enim dicendum sit, aut conie-  
ctandum (ingenuè fateor) nihil est mihi, præter illa, quæ ex  
meo vetustissimo ab hinc paucis mensibus producturus  
sum. Videant, qui lucro inhiant ad Pontificem trans mon-  
tes hoc vaticinium deferentes: nam ipse num transactum,  
num præsens, num futurum sit, num simplex, duplexve,  
suscipiente deque habeo, & alijs perquendum relinquo. Obli-  
tus pene dicere nunc fueram, hunc tertium à Sanctissimo,  
& Beatissimo Xysto occupare locum iuxta camporum sen-  
tentiam auream, argenteamque.

### VATICINIVM XXVI.

**V**Ellem in hoc vaticinio explicando omnes curiosi, &  
sapientes elaborarent: nam cum in eo contenta, &  
iuxta imagines, & iuxta inscriptionem in omnibus libris  
differentia sint, triplex tantu à me afferretur descriptio, quæ  
veritati magis consona, & libris magis probata visa est.  
Prima sit Scaligeri. Est in illius libro Coloniae Agrippinæ  
apud doctissimum virum Theodorum Gramineum anno  
septuagesimo impressum, Nudus super rupem sedens, plorans,  
manu ad faciem admota, & ante illum stat puer, ma-  
nibus ante pectus sublatis, nudum respiciens. Liber quidam  
manuscriptus satis probatus monachum capite tonlo,  
nudumque habet, qui manu sinistra circa tempus sublata,  
dextera spargens nummos plorat, habetq; à dextera parte  
scriniolum, & crumenam nummis referta, respicitque pue-  
rum ante se stantem, manu sinistra baculum retinentem,  
dextera pectori adhaerente, & nudum manu respiciëtem.  
Meus vero ille vetustissimus à me tantopere in his adno-  
tationibus adductus Pontificem præfert, sacerdotilibus ve-  
stimentis

## I N V A T I C I N I A .

stimentis indutum, latiori insuper Pallio (pluuijale dicunt) adiecio, læua manu librum tenens, & dexteræ indice illum ante pectus tangens, & demonstrans. Hinc inde, à dextera quidem est Clauicymbalum, seu Monochordium, & Cythara: à sinistra vero Organum conspicitur. Inscriptionem, & literas numerales supra, & infra caput, interim prætermittam, illud afferens, hunc futurum Pontificem à me illis versibus ad Ioachimi imaginē superius additis *περὶ ορατικῶν* indicatum ex vaticinijs Beati Zodichi Palmerij, Iohannis Heremitæ, Iohannis Capistrani, & Magistri Reinhardi Ordinis Prædicatorum, quem Italum fore constanter dixerim: licet quidam contra sentiant. Hæc ad excitanda curiosorum ingenia dicta sunt, aliás, si nostri labores grata excipientur manu, latius hæc, & maiori tum perspicuitate, tum facilitate tractaturi.

## V A T I C I N I V M   XXV.

**S**ilento præterire decreueram hoc vaticinium, præser-  
tim cum in eo nulla mutatio in imagine facta sit, nisi  
quod in alijs diadematæ fultum, nos absque diadematæ  
incidi curauimus; quia ita illis imaginibus conuenire vi-  
debatur, quæ adhuc ex multis pauca in æde D. Marci Ve-  
netiarum visuntur, & in quodam etiam satis diligenter ma-  
nuscripto cernebatur. Sed Magistri Reinhardi carmina  
nos permouerūt, vt & hīc perspicacia ingenia excitaremus;  
illa ad hunc ferè modum se habent.

*Hinc Christi dignum vibrabit Aquila signum,  
Aquila quæ fido iam caret prodita nido,  
Omnia mutabit, & cernere lēta inuabit,  
Et tandem eō lux erit tradita seculo.*

Carminibus concors est mens ille libertoties à me in  
medium adductus; est namque in eo Pontifex, loco tiara  
ingentem aquilam hianti rostro, expansis alis, capite gerēs,  
& am-

### ADNOTATIONES

& ambabus manibus ante pectus duos paruos vrsinos catus retinēs, estque à lœua ipsius Pontificis Cydatis, & infra caput numerales literæ maiores P.C.P. Vaticinium verò hæc refert.

Grandis Aquila nigra surget, ocius expurgiscetur, tendet alas, & rostrū in pingue. Hæc aquila Romanum Imperium ortum ex Alamania, cuius insigne Aquila nigra est. Hæc Aquila segregabit argentum à plumbo, de Aquila hac fatis diximus, quod in iudicium Ecclesiasticorum virorum data sit. Morietur in I.

Iohannes Heremita ait. Ab Aquilone veniet, & intrabit sanctuarium, & Ecclesiam renouabit fratribus. Et Capistranus. Ceruleus, ac glaucus color niger fiet, mortalitas, ignes, cœlum turbatū. Nos hæc omnia de optimo quodam Princeps Arctoi cœli dici conijcimus; modò impostorū fraudibus, & dolis haud iustè accepto: sed hæc suo tempore clare Deus O. M. reuelabit. cætera enim silentio tegenda, & usque ad tempus occultanda hominibus sunt; nam neque omnia, quæ scimus, aut videmus, expedit dicere.

### VATICINIVM XXVIII.

**V**T clare, & manifestè perspiciant homines vaticinia hæc ad futura: non autem ad præterita tempora respicere, adiungere voluimus inscriptionem illius nostri vestuti exemplaris, cuius imago est Pontifex sacerdotalibus vestibus indutus, manibus ante pectus hinc inde pallio tectis, ad illius lœuam descendit volans angelus ad eum litem mundum deferens. Hæc sunt inscriptionis verba.

Exurgam proper miseriam inopum, & pauperum gemitu, & ponam salutem, & fiducialiter agam, qui deuorerunt, & trepidauerunt, ubi timor non erat. Unde dicitur, quod in templo Domini erunt nummularij, & venditores spiritualium columbarum, populum humilem saluum faciam,

### I N V A T I C I N I A .

ciām, & oculos superborum humiliabo, & erit vnuſ Deus,  
& vna fides. Morietur in I. infra caput literæ. A.B.G. Qui ea  
ad futurum tempus spectare aſſeruerit, iſte hand male, mea  
ſententia, ſentiet: ſi qui erūt, quibus magis ad p̄aſterita h̄ec  
reſerfe arrideat, p̄imū illud ante oculos ſtatuar, Antichriſti  
tempora futura, quibus h̄ec ventura p̄addicūtur, nec tan-  
ta ſint pertinac̄e, vt ea Lutheruſ adſcribere velint. Nos  
quoque Lutheruſ perditissimum Sathanæ Mancipium  
fuilſe dicimus; verum eō longe peſtilentiorem, & inqui-  
natiōrem Caluinum; nemo illorum tamen Antichriſtus  
fuit: quamvis hic poſtremus magicis etiam ſceleribus ad-  
dictiſſimus fuerit. Itaque ſaniori intellectu de futuris ſan-  
ctiſſimiſ Pontificib⁹ h̄ec intelligenda ſunt, qui Eccleſiam  
reſtituent, & oues Christi diſpersas congregabunt. Nam cir-  
ca huius Pontificis tempora, hoc eſt, paulo poſt, reliquiae  
Iſraeliſ reſipisciſere incipient, & ad ſalutem, veramque  
veri Mefiaſ leſu Christi cognitionem properabunt. Eſt hoc  
poſtremum vaticinium in illo noſtro veſtuſiſſimo manu-  
ſcripto: nam p̄eſter Lituraruſ iniuriar, quas ab aliquo pue-  
to, cuius manib⁹ permifſus erat, forte paſſus eſt, paginæ  
quædam in eo laceratae, & diſceptae ſunt.

### V A T I C I N I V M XXIX.

N Oſ ex æde aurea Marciana h̄ic Venetijs, & ex quodā  
manuſcripto pallium ſtellis decorādum cenuimus.

### V A T I C I N I V M XXX.

C irca iſtius Pontificis tempora futurum Antichriſtum  
imago portēdit, & ad huiusmodi opinione adſtruendam  
plurima dicēda occurru: at unum illud ſatis ſit, non  
ab re, licet ſibi ſpiſſius p̄aſentis Chiliadiſ Pontifices ha-  
reant, eumdem eſte numerum horum quindecim, qui, &  
ſupe-

ADNOTATIONES

superiorum quindecim. Atque ita verum dignoscitur statim post septingentesimum annum calamitosa tempora subsecutura, & numerum illum annorum conclusura, quos in primo Pasuch Beregit defuturos sextæ Miriadi veteres Mecubalim deprehendere, Nam nisi breuiati fuissernt dies illi, non fieret salua omnis caro, ait Redemptor, quodque ab illis obscurissimis ambagibus inuolutum, nos explicitum, ad coercendam aliquorum iuuenilem audaciā, ex Pici Mirandulanī cōclusionib⁹ in suis Mathematicis. 9. Per Arithmeticam non materialem, sed formalem habetur optima via ad prophetiam naturalem. 10. Iochim in prophetijs suis alia via non processit, quām per numeros formales. & 9. in suis Cabalisticis. Si qua est de nouissimis temporibus humana coniectura, inuestigare possumus per secretissimam viam Cabalæ futuram esse consummationem sœculi, hinc ad annos quingēcos, & quatuordecim, & dies vigintiquinque. anno superiori 1583. In D. Iohannis, & Pauli Martyrum æde Venetijs publicè disputandum hebraicis numerationibus proposuimus, quarum apud imperitos tātum est impugnatio. Vela tandem contrahenda sunt, interim lectores æquos, & candidos orantes, vt nobis in altero volumine vniuersæ collectionis quorumcumque vaticiniorum, oraculorum, prædictionū, & prophetiarum (quas vocant) adesse perhumaniter velint, admonentes, si quid à nobis haud recte animaduersum, negligenter adnotatum, & non satis ad amissim, & lydiā regulam reuocatum est. Quorumcumque. namicas castigationes, & mites ex iure, & æquo reprehensiones, vt decet, excipiēmus, admitemus, & leni animo feremus. Homines namque nos esse dignoscimus, qui errare potuimus: verūm nec doctrinæ nos tantæ esse scimus, vt minimum erratum defendere velimus; nec tantæ sapientiæ, vt non omnia nostra, & edita, & edenda Sæcta Romanæ Ecclesiæ censuræ subiecta esse nolimus.

DE